

Naartuersittarnej pillugu
siunersiueqatigiittartut
piffissami 1. augustimit 31.
decembari 2025-imut

Naartuersittarnej pillugu isumalioqatigiit

KALAALLIT NUNAAT

13. september 2026

Naartuersittarneq pillugu siunersiueqatigiittartut piffissami 1. augustimit 31. decembari 2025-imut nakkutilliinerinit nalunaarusiaq

Naartuersittarneq pillugu isumalioqatigiit

A. Naartuersittarneq pillugu isumalioqatigiit nakkutilliinissamik piginnaasaqarnerat

Naartuersinnissaq pillugu aalajangiinerni assigiiaartumik periaaseqartoqarnissaa qulakkeerniarlugu, Naartuersinneq pillugu Kalaallit Nunaanut inatsit nr. 232, 12. juni 1975-imeersoq malillugu Kalaallit Nunaanni Naartuersittarneq pillugu isumalioqatigiit, naartuersittarneq pillugu siunersiueqatigiittartut Kalaallit Nunaanni sulinerat nakkutilliiffisarpaa. Nakkutilliinermik pisussaaffiup saniatigut naartuersittarneq pillugu isumalioqatigiit nunap immikkoortuini assigiinngitsuni naartuersinnissamut akuersissutit itigartissutillu amerlassusaasa malinnaaffiginissaannut periarfissaqarput.

Kalaallit Nunaanni naartuersinneq pillugu suliassaqaarfimmi inatsisiliernerit, aamma taamaammat inatsimmi aalajangersakkat malinneqarnerisa nakkutigineqarnerat, Indenrigs- aamma Sundhedsministereqarfiup pisussaaffigaa.

“Kalaallit Nunaanni naartuersittarnerit nakkutilliiffigineqarnerannut sulisaaseq”, ulloq 2. oktober 2024-imi Indenrigs- aamma Sundhedsministereqarfiup aalajangigaa, malillugu Naartuersittarneq pillugu isumalioqatigiit nakkutilliisarpuit.

B. Aalajangiinissamut tunngaviit

- Naartuersittarneq pillugu siunersiueqatigiittartut aalajangiinerni, noqqaassuteqaarnermit qaammatit arfinillit kingulliit iluannit sumiiffinni naartuersittarneq pillugu siunersiueqatigiittartunit nakorsaanerup tigusimasaanit, nalunaarutigineqarsimasunit $\frac{1}{4}$ -it nassiunneqaqqullugit ukiup affakkuutaarlugu Naartuersittarneq pillugu isumalioqatigiit Nakorsaanermut noqqaassutigisarpaat.
- Siunersiueqatigiinnernit ukiup affakkuutaartumik misissuinerit taakku saniatigut, siunersiueqatigiittartut isumalioqatigiinnut ingerlaavartumik imaluunniit erseqqinnerusumik taasanik sulianik misissugassanik sulianik nassiusseqqullugit, Naartuersittarneq pillugu isumalioqatigiit naalakkiuteqarfigisinnaavaat.
- Tamatuma saniatigut suliat suliarineqarsimasut amerlassusaat taakkulu suussusaat pillugit paasissutissanik nassiusseqqullugit Naartuersittarneq pillugu isumalioqatigiit siunersiueqatigiittartut qinnuigisinnaavaat.

Tassani naartunermi sapaatit akunnerisa 12.-saata qaangiunnerani naartusup naartuersinnissaminik kissaateqarsimanera pillugu suliat, Naartuersittarneq pillugu isumalioqatigiit taamaallaat suliarisarpai.



C. Piffissaq nakkutilliiffiusoq 1. augustimit 31. decembari 2025-imut

“Kalaallit Nunaanni naartuersittarnerit nakkutilliiffigineqarnerannut sulisaaseq”-imi immikkoortoq 1 naapertorlugu, piffissami 1. august 31. december 2025-imut siunersieqatigiittartut aalajangiineri tamaasa nassiteqqullugit Naartuersittarneq pillugu isumalioqatigiit Nakorsaaneq ulloq 2. januar 2025 noqqaassuteqarfigisimavaat.

Siunersieqatigiittartut aalajangiineri Naartuersittarneq pillugu isumalioqatigiinnit ulloq 9. april 2026 tiguneqarsimapput.

D. Nakkutilliinerup annertussusaa

Naartuersittarneq pillugu isumalioqatigiinni siulittaasup nalilerpaa, nakkutilliinerit pingajuat aamma aaqqissuussaasumik nakkutilliinerit siulliit marluk assigalugit ”Kalaallit Nunaanni naartuersittarnerit nakkutilliiffigineqarnerannut sulisaaseq” malillugu, taamaalilluni suliat tamarluinnarmik piffissami 1. august – 31. december 2025-mi siunersieqatigiittartuni suliarineqartut misissorneqartussanngussallutik. Naartuersittarneq pillugu isumalioqatigiit piffissami 1. august – 31. december 2025-mi siunersieqatigiittartunit aalajangiinernik 17-inik tigusaqarpoq. Suliat kinaassutsimik isertuussiffiusut tiguneqarnerisa kingorna Naartuersittarneq pillugu isumalioqatigiit sulianut nakkutilliinermi nutaanik normuliipput. TS25/1 – TS25/17.

E. Piffissami nakkutilliiffiusumi siunersieqatigiittartut aalajangiinerit tiguneqarsimasut 17-it pillugit pingaarnertut allaaserinninneq

Naartuersittarneq pillugu isumalioqatigiit siunersieqatigiittartunit aalajangiinernik 17-inik tigusaqarpoq. Piffissami nakkutilliiffiusumi 1. august – 31. december 2025-mi siunersieqatigiittartut aalajangiinerinut 17-inut tamanut takussutissaapput.

Suliat taakku 17-it nunap ilaanut ima agguarneqarsimapput:

- 11-t Nuummiit
- 1 Tunumit (Tasiilaq)
- 3 Avannaanit
- 1 Qeqqanit
- 1 Kujataanit

Sulianit 17-init sinersieqatigiittartut 16-ini kingusinaartumik naartuersinnissamut akuersissuteqarput.

Suliani taakkunani 17-ini ataatsimut isigalugu, Naartuersittarneq pillugu isumalioqatigiit oqaatigiumavaat, isumalioqatigiit siunersieqatigiinnut 2023-mi Nunatta Nakorsaananit malittarisassaq siunersieqatigiit aalajangiinerinut maanna aappasaanik nakkutilliinermi malinneqarnerisimaneq, tamannalu siunersieqatigiit sulinerannik assigiaartitsinermik qulakkeerinnittoq.

F. Siunersieqatigiit aalajangiineri, inatsisit atuuttut, periaatsit



ilusiliinissamullu piumasaqaatit sulisaatsimi aalajangerneqartut aamma uppersaataatit attuumassuteqartut naapertorlugit aalajangerneqarsimanersut pillugit naliliineq

Suliat 12 (70% missaanniittut) qanoq itsilluguluunniit inatsisinut atuuttunut, periaatsinut ilusiliinissamullu piumasaqaatinut sulisaatsimi aalajangerneqartunut aamma uppersaataatinik attuumassuteqartunik uppersaasiinissamik naammassinnittut, Naartuersittarneq pillugu isumalioqatigiit isumaqarput.

- Taakkunannga sulianit 12-nit 9 Nuummeersuupput, 1 Tasiilamit, 1 Aasiannit aamma 1 Qaqortumit.

Suliat 5 (30% missaanniittut) annerusumik imaluunniit minnerusumik inatsisinut atuuttunut, periaatsinut ilusiliinissamullu piumasaqaatinut sulisaatsimi aalajangerneqartunut aamma uppersaataatinik attuumassuteqartunik uppersaasiinissamik naammassinninngitsut, Naartuersittarneq pillugu isumalioqatigiit isumaqarput.

Sulianili taakkunani kukkunerit assigiinngitsuupput, tamannalu tunngavigalugu Naartuersittarneq pillugu isumalioqatigiit suliat kukkuneqartut ataani agguataarpaat.

F1 Siunersiueqatigiinnermit aalajangiinerit pingaarutilimmik kukkuneqartut

2 piffissami nakkutilliiffiusumi 01. august - 31. december 2025-mi siunersiueqatigiinnit aalajangiinerit pingaarutilinnik kukkuneqarput.

TS25/3 aalajangiinnermut tunngavilersorneqarsimanngilaq aamma siunersiueqatigiinnit ilaasortamit ataatsimit atsiornermik amigaateqarpoq. Aalajangiineq taanna Kalaallit Nunaanni naartuersittarneq pillugu sulianik suliarinninnermut kaajallaatitami § 7, imm. 1 aamma 2 unioqqutitsivoq, taanna ilaasortat atsiornissaannik piumasaqaatitaqarpoq, kisianni aamma pingaartumik suliarinninnermut tunngaviusumik piumasaqaataalluni. TS25/3 tamatuma saniatigut, assigiinngitsutigut immersugassamut paasinnissimanngitsoqarpassippoq.

TS25/4 akuersarneqarsinnaanngitsumik suliarinninnermut kimikitsumik tunngaveqarpoq, taamatullu aamma piffissami suliarinniffiusumi aalajangiineq nakorsiartup sapaatip akunnerini qassini naartuneranut paasissutissamik amigaateqarpoq. Tamatuma saniatigut aalajangiineq una ilaasortanit marluinnarnit aammalu ilaasortanit pingasunit inatsisitigut piumasaqaataasumit pinnani aalajangerneqarsimarpassippoq, tak. § 4 Kalaallit Nunaanni naartuersittarneq pillugu inatsit. Ilaasortat marluk taamaallaat aalajangiinnermi atsiorsimapput.

Siunersiuerit suliarineqartut suliani taakkunani suliamik suliarinninnermi pingaarutilinnik kukkussuteqarsimasut, Naartuersittarneq pillugu isumalioqatigiissitaq isumaqarpoq.

Naartuersittarneq pillugu isumalioqatigiissitaq sulianut marlunnut taakkununnga oqaaseqarpoq:

Naartuersittarneq pillugu isumalioqatigiissitaq isumaqatigiissoq isumaqarpoq, suliani taakkunani siunersiueqatigiinnerit pingaarutilinnik suliamik suliarinninnermi kukkussuteqarsimasut,

Nakorsaaneq siunersiueqatigiittartunut pineqartunut isumalioqatigiissitaq isornartorsiuinera pillugu oqaaseqarnissamut aammalu siunissami siunersiueqatigiittartut atuunneranni uppersaanissamut piumasaqaatit paasineqarnissaat qulakkeeqqullugu.

F.2. Siunersiueqatigiittartut aalajangiineri annikitsunik kukkunillit

3 suliat ersarissunik kukkunernik imaqrput, taakkuli pingaarutilittut oqaatigineqarsinnaanngillat.

Suliani marlunni, TS25/5 aamma TS25/6 kukkunerit tassaapput, qanoq innerannik tunngavilersuutit aamma nassuiaatit naapertorlugit, ima pingaaruteqartiginngillat (namminerminni) kingusissukkut naartuersinnerup nassatarisaanik peqqissutsikkut aarlerinaatinik annertunerulersitsisinnaallutik, tak. Kalaallit Nunaanni naartuersittarneq pillugu inatsimmi § 3, imm. 2.

Suliami ataatsimi, TS25/2-mi, taamaallaat kukkussutaasoq tassaavoq, siunersiueqatigiittartut piffissami suliarinniffiusumi nakorsiartoq sapaatip-akunnerini qassini naartunersoq takutitsinnginnerat.

Siunersiuerit suliarineqartut suliani taakkunani suliamik suliarinninnermi kukkussuteqarsimasut, Naartuersittarneq pillugu isumalioqatigiissitaq isumaqarpoq.

Naartuersittarneq pillugu isumalioqatigiissitaq sulianut pingasunut taakkununga oqaaseqarpoq:

Naartuersittarneq pillugu isumalioqatigiissitaq isumaqatigiissoq isumaqarpoq, suliani taakkunani siunersioqatigiinnerit suliamik suliarinninnermi kukkussuteqarsimasut, Naartuersittarneq pillugu isumalioqatigiissitallu tassunga atatillugu oqaaseqarput, siunersioqatigiit sulianik suliarinninnerat isornartoqartoq.

Nakorsaaneq siunersiueqatigiittartunut pineqartunut isumalioqatigiissitap isornartorsiuinera pillugu oqaaseqarnissamut aammalu siunissami siunersiueqatigiittartut atuunneranni uppersaanissamut piumasaqaatit paasineqarnissaat qulakkeeqqullugu.

G. Inerniliussaq

Suliat 30%-iisa missaanni (suliani tallimani) kukkussuteqarnerit suli qaffasittoq, Naartuersittarneq pillugu isumalioqatigiissitaq isumaqarpoq. Nakkutilliinnermit nalunaarusiarli oktobari 2025-meersoq 37%-it missaanni kukkuneqarpoq aamma maajimi 2025-mi 40% missaanni.

H. Nakkutilliinnermit nalunaarusiamit siulianit malittareqqiineq

Nunatsinni Nakorsaaneqarfik siuliani nakkutilliinnermit Peqqinnissaqarfimmi aqutsisunik ataatsimeeqateqarpoq, Naartuersittarneq pillugu isumalioqatigiit isornartorsiuinera ingerlateqqinneqarluni. Aammattaaq Nunatsinni Nakorsaaneqarfik ilitersuummik suliaqarpoq, tassani naartuersittarnermut inatsimmi malittarisassat erseqqissarneqarput, siunersiueqatigiinnermut piumasaqaatit aalajangersimasut ilanngullugit.

Naartuersittarneq pillugu isumalioqatigiit tamanna tunngavigalugu, kukkussuteqartarnerit suli appariartoqqinnissaannut tatiginnippoq.

